



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-20702-51/20
Sarajevo, 10.07.2020.godine

SKUPŠTINA KANTONA SARAJEVO
-OVDJE-

Predmet: Odgovor na zastupničko pitanje zastupnika Aljović Hameda, dostavlja se

Zastupnik Hamed Aljović je na 26. Radnoj sjednici Skupštine Kantona Sarajevo održanoj dana 16.06.2020. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, postavio zastupničko pitanje:

„Dokle je došlo sa realizacijom nedavno usvojenog Zakona o izmjenama i dopunama Zakona o dopunskim pravima boraca-branitelja BiH, u pogledu ostvarivanja prava na novčanu egzistencijalnu naknadu. Obrazloženje - Postavljam ovo pitanje jer me interesuje ostvarivanje prava na novčanu egzistencijalnu naknadu branitelja mlađih od 57. godina u Kantonu Sarajevo i dokle je došlo sa procedurom ostvarivanja ovog prava. Kada će prvi nezaposleni branitelji koji ispunjavaju zakonske uvjete doći do svoje naknade.“

Na postavljeno zastupničko pitanje dajemo slijedeći

ODGOVOR

Zakon o izmjenama i dopunama Zakona o dopunskim pravima boraca - branitelja BiH Skupština Kantona Sarajevo je usvojila dana 18.05.2020. godine. Ovaj zakon stupio je na snagu dana 05.06.2020. godine i njime je uvedeno pravo na egzistencijalnu novčanu naknadu za demobilizirane branioce.

Na dan 06.04.2020. godine od ukupnog broja 87.877 demobiliziranih branilaca sa područja Kantona Sarajevo na evidenciji JU "Služba za zapošljavanje Kantona Sarajevo" ukupno je do 57 godina starosti 3.953 pripadnika Oružanih snaga R BiH.

Ovo pravo mogu ostvariti nezaposleni demobilizirani branioци pod slijedećim uvjetima i to da :

- imaju manje od 57. godina starosti;
- su bili najmanje godinu dana u OS R BiH;
- su prijavljeni kod nadležne službe za zapošljavanje najmanje godinu dana prije podnošenja zahtjeva za ostvarivanje prava;
- imaju prebivalište/boravište na području Kantona;
- ne ostvaruju mjesečne prihode ili da oni nisu u iznosu većem od 50% minimalne penzije isplaćene u Federaciji Bosne i Hercegovine za mjesec decembar 2018. godine (cenzus 174,03 KM).



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Ovim zakonom utvrđuje se visina iznosa mjesečne novčane egzistencijalne naknade, a to je 5 KM po mjesecu provedenom u OS RBiH, što znači da je najmanji iznos mjesečne egzistencijalne naknade 60 KM, a najveći 275 KM.

Ministarstvo za boračka pitanja sačinilo je Instrukciju o načinu izvršenja upravnih i stručnih poslova odlučivanja o pravu na novčanu egzistencijalnu naknadu demobiliziranih branilaca, koja je stupila na snagu danom donošenja, a objavljena je u Službenim novinama Kantona Sarajevo broj: 21/20 dana 04.06.2020.godine. Prema navedenoj Instrukciji zahtjev za ostvarivanje prava na novčanu egzistencijalnu naknadu, podnosi se nadležnoj općinskoj službi za boračko-invalidsku zaštitu, prema mjestu prebivališta podnosioca zahtjeva koja rješava po zahtjevu u prvom stepenu.

Dokumentacija neophodna za ostvarivanje ovog prava nabrojana je u aplikacionom formularu koji je dostavljen općinskim BIZ-ovima zajedno sa Instrukcijom. To je najprije dokaz o nezaposlenosti, uvjerenje o kretanju, uvjerenje o pripadnosti OS RBiH i drugi dokazi kojima se dokazuje ispunjavanje zakonskih uvjeta za ostvarivanje ovog prava.


Općinska služba donosi prvostepeno rješenje, a po žalbi rješava Ministarstvo za boračka pitanja. Korištenjem informatičke aplikacije ISVDV Federalnog ministarstva za pitanja boraca i invalida odbrambeno oslobodilačkog rata, vrši se obračun i isplata naknade. Ministarstvo će nakon prihvatanja općinskih obračuna davati naloge za isplatu naknade krajnjim korisnicima putem banaka.

Nakon objave navedene Instrukcije, postavilo se pitanje ostvarivanja prava pripadnika Oružanih snaga RBiH koji su imali boravak u Kantonu Sarajevo, vratili su se u svoje prijeratno mjesto prebivališta u manjem BH entitetu, a imaju manje od 57.godina starosti i ispunjavaju druge zakonske uvjete za ostvarivanje prava na novčanu egzistencijalnu naknadu.

Kako bi pravno uredili i ovo pitanje Ministarstvo je donijelo Instrukciju o dopunama Instrukcije o načinu izvršenja upravnih i stručnih poslova odlučivanja o pravu na novčanu egzistencijalnu naknadu demobiliziranih branilaca (11.06.2020) prema kojoj po zahtjevu lica koje ima prebivalište u manjem BH entitetu, o pravu na novčanu egzistencijalnu naknadu u prvom stepenu rješava Služba za BIZ općine u kojoj su imali prijavljen boravak prije povratka u prijeratno prebivalište. Nakon navršavanja 57.godina života korisnik nastavlja ovo pravo ostvarivati u skladu sa uvjetima propisanim federalnim zakonom.

Ministarstvo je također propisalo da se dječiji dodatak RVI od 20-80% invaliditeta, kao novčana primanja koja pripadaju djeci, ne uračunavaju u mjesečna primanja podnosioca zahtjeva.

Pravo na novčanu egzistencijalnu naknadu ostvaruje se od prvog narednog mjeseca od dana podnošenja zahtjeva. Nakon što općinske službe dostave urađena pravosnažna rješenja na nadzor Ministarstvu i ona postanu izvršna isplata će se vršiti na mjesečnom nivou putem aplikacije ISVDV. Obzirom da se radi o prvoj primjeni i velikom broju korisnika, a kako bi što više korisnika bilo



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina


CANTON SARAJEVO
Ministry of Veteran's affairs

obuhvaćeno, prva isplata za mjesec juli očekuje se krajem mjeseca augusta. U narednom periodu je predviđeno da će se isplata vršiti u prvoj polovini narednog mjeseca za prethodni mjesec.

S poštovanjem,

Dostaviti:

- Predsjedavajućem Skupštine Kantona Sarajevo,
- Sekretaru Skupštine Kantona Sarajevo,
- Sekretaru Vlade Kantona Sarajevo,
- A/a.



MINISTAR

Hairudin Grabovica

